



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 11. Ejusdem summi Pontificis literæ ad Ludovicum XV. Franciæ Regem.

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII. „tium quietem, ad Ecclesiæ bonum,  
A. C. 1715. „ad Catholicæ Religionis præsidium,  
 „Christianæque Reipublicæ felicitatem.,

## §. XI.

*Ejusdem summi Pontificis literæ ad  
 Ludovicum XV. Franciæ  
 Regem.*

*Epist.  
 Clem. XI.  
 pag. 2087.*

Eodem quoque obsequio Pontifex defuncti Regis memoriam apud Ludovicum XV. ejus Successorem prosequabatur, datisque literis illum ad Proavi sui imitationem hortatus, has ad illum literas die vigesima Septembris dabat:

„Acerbissimum Christianæ Reipublicæ  
 „infectum vulnus haud parum sentire  
 „videremur, ubi Majestati tuæ, quis  
 „fuerit dolor noster, ac mæror in obitu  
 „clar. me. Ludovici Francorum Regis  
 „Christianissimi Proavi tui, verbis explicare  
 „conaremur. Nemo quippe non  
 „videt gravissimam hanc jacturam non  
 „ad Regiam tuam domum duntaxat,  
 „istudque florentissimum Regnum, sed  
 „ad universum propemodum terrarum  
 „orbem, cujus ille splendissimum decus  
 „erat & ornamentum atque ad Orthodoxam  
 „inprimis religionem, quam strenuo  
 „invictoquoque animo semper asseruit,

„ruit, maxime pertinere; merito enim Sæc. XVIII.  
 „Nobis de ejus morte dolendum est, A. C. 1715.  
 „quæ Religiosissimum Principem & Fi-  
 „lium longe charissimum Nobis eripuit,  
 „quæque cor nostrum ac mentem in  
 „maximas & molestissimas sollicitudi-  
 „nes conjecit. Verumtamen mærori  
 „nostro non leve comparatur solatium  
 „in rebus ab eo, dum viveret, pro Ec-  
 „clesia, ac religione præclare gestis,  
 „quibus ad pie sperandum adducimur  
 „pro caduca mortalique vita ipsi æter-  
 „nam illam, atque beatam fuisse in  
 „cælis repositam, ubi non est amplius  
 „neque luctus, neque clamor, sed nec  
 „ullus dolor: Eumque præterea con-  
 „fidimus non solum in omnium me-  
 „moria perpetuo victurum esse, sed in  
 „Te potissimum, cujus heroica indo-  
 „les cum optima institutione conjuncta  
 „firmam Nobis ingerit spem, fore, ut  
 „sapientia juxta, ac ætate proficiens,  
 „Regem præstantissimum, quem no-  
 „mine refers, etiam opere subditis tibi  
 „populis ac Nobis restituas, teque  
 „non tam Regni successorem, quam  
 „avitarum virtutum hæredem lucu-  
 „lenter ostendas, cæterum, quod pa-  
 „terna nostra charitas postulat, de-  
 „functi animæ sempiternam in cælesti  
 „patria requiem in privatis nostris sa-  
 „crificiis conciliare hæctenus non omisi-

Sæc. XVIII. „mus, indeque ipsum in sacello no-  
A. C. 1715 „stro Pontificio cum Venerabilibus Fra-  
 „tribus S. R. E. Cardinalibus propediem  
 „solemni Ritu de more præstabimus.  
 „Te demum Charissime Fili noster, in-  
 „timo præcipuoque paterni cordis af-  
 „fectu complectentes, omnipotentem  
 „Dominum, cujus nutibus vitæ nostræ  
 „momenta decurrunt, humiliter & e-  
 „nixe obsecramus, ut felicem, diutur-  
 „numque annorum cursum & gratiæ  
 „suxæ dona Tibi cumulatissime largiatur  
 „gressusque tuos assidue dirigat in be-  
 „neplacito suo, quatenus gloriosis Ma-  
 „jorum tuorum Regum clarissimorum  
 „vestigiiis insistens, expectationi, qua  
 „sane maxima de Te est, abunde re-  
 „spondeas. Et Majestati tuæ Aposto-  
 „licam benedictionem amantissime im-  
 „pertimur. „

*Epist. Clem.*  
*XI. p. 2090.*  
*Contin. Hist.*  
*Chron. p. 43.*

Eadem die Pontifex Philippum Au-  
 relianensem Ducem Regni Rectorem  
 datis literis hortabatur, ut in promo-  
 vendo Constitutionis negotio Ludovici  
 defuncti Regis vestigia premeret: „No-  
 „quidem, perscripsit Pontifex, ægritu-  
 „dinem nostram non parum tempera-  
 „mus, & Pontificiæ Charitatis oculos  
 „in Te convertimus, quo Regni Re-  
 „ctore constituto ac tenellam novi Re-  
 „gis ætatem, egregia ceteroqui, ac  
 „suxæ stirpis dignissima indole, ut ac-  
 „cepi-

„cepimus, præditi adjuvante, gravif- Sæc. XVIII.  
 „simam, quam fecimus, jacturam tuæ A. C. 1715.  
 „virtutis zeliq̄ue ope fardendam esse  
 „Nobis pollicemur. Cum enim exi-  
 „mia, multiplicia, quibus spectata re-  
 „fulges, animi decora, ac filialem in-  
 „primis tuam erga Nos & Sanctam  
 „hanc Sedem observantiam satis com-  
 „pertum habeamus, hinc certam in-  
 „spem erigimur, fore, ut non alia,  
 „quam Religiosissima demortui Regis  
 „consilia, ac illustria ab eo relicta Con-  
 „stantiæ & pietatis exempla, quæ  
 „nulla ætas conticescet, in Regni ad-  
 „ministratiõne servanda Tibi proponas,  
 „vix interim exprimere verbis possu-  
 „mus, quantam perceperimus volupta-  
 „tem, cum sollicitum, & flagrans tuum  
 „publicæ quietis curandæ studium in-  
 „speximus, quod tuis in literis abunde  
 „profiteris, minime siquidem dubita-  
 „mus, quin Te optimam causam stre-  
 „nuè propugnante, felicem ad exitum  
 „opus perducatur, quod intempestivus  
 „Regis obitus imperfectum reliquit,  
 „adeoque Catholicæ Doctrinæ asserta  
 „puritas servata, Apostolicæ Sedis di-  
 „gnitas, ac restituta illi Regno pax,  
 „tuo potissimum beneficio debeantur.  
 „Quâ ratione, quantum solidæ laudis  
 „& gloriæ apud homines, & quod  
 „Caput est quam præcipuum, apud

Sæc. XVIII. „Deum meritum adjiciendum tibi sit,  
 A. C. 1715. „non est, quod Tibi pluribus explicemus. „

Ceterum quamprimum P. Telliero Aurelianensem Ducem in Regni Regentem assumi suboluit, mox ceteris prior eundem salutatum venit, eique Societatem suam, & Constitutionis negotium impense commendavit, cui tamen Dux sat frigide respondit, potius de Ecclesiæ & Regni tranquillitate sollicitus esset.

## §. XII.

*Constitutionis fata post Ludovici XIV.  
 Regis obitum.*

*Epist. Clem. XI. p. 2091.* Cum interea totus Christianus Orbis Ludovici Magni jacturam feralibus prosequeretur exequiis, & prohi omnes Catholici ob intercisum Constitutionis negotium tam strenuo fidei & Ecclesiæ Heroi lacrimis luctibusque parentarent, Quesnelistæ, alique turbidi ingenii homines, qui hucusque ne quidem hiscere audebant, velut de reportata causæ suæ victoria triumphum canere certabant: converso enim fatorum ordine tanta erat affectuum mutatio, ut totum Franciæ Regnum novam induisse faciem videretur: præprimis Voisinius Cancellarius olim Jan-  
 seni